

29/19

Ugovorni organ, Javna ustanova Opća bolnica „Prim. dr. Abdulah Nakaš“, Kranjčevićeva
broj 12, 71000 Sarajevo, ID broj: 4200288400001, koga zastupa **direktor Prim. dr. Zlatko
Kravić** (u daljem tekstu: **Naručilac**)

i

KONZORCIJ „TADIĆ STOLARIJA“ d.o.o. Istočno Sarajevo i „EKO-TEH“ d.o.o. Sarajevo (lider Konzorcija: „TADIĆ STOLARIJA“ d.o.o. Istočno Sarajevo), ulice: Vučja Luka b.b., 71123 Istočno Sarajevo i Reljevska do broja 48, 71000 Sarajevo ID broj: 4403946300006 i 4201279290003, PDV broj: 403946300006 i 201279290003, Transakcijski račun: 5540130000014528 otvoren kod Pavlović International Bank a.d., koga zastupa **direktor Dragan Tadić (lider Konzorcija)** (u daljem tekstu: **Izvođač**)

sklopili su sljedeći

OKVIRNI SPORAZUM ZA NABAVKU RADOVA

UVODNE ODREDBE

Član 1.

Na osnovu provedenog otvorenog postupka, tender broj JN-5/19 s namjerom sklapanja Okvirnog sporazuma za nabavku radova: Nabavka i ugradnja prozora i portala u objektima u trajanju od 2 (dvije) godine, provedenog na osnovu člana 32. Zakona o javnim nabavkama („Službeni glasnik BiH“ broj 39/14), Ugovorni organ je u skladu sa postavljenim kriterijem („ekonomski najpovoljnija ponuda“ sa podkriterijima: cijena – 50 bodova, rok, način i uslovi plaćanja – 10 bodova, rok izvođenja radova – 25 bodova, garantni rok na izvedene radove – 15 bodova), odabrao ponudu ponuđača KONZORCIJ „TADIĆ STOLARIJA“ d.o.o. Istočno Sarajevo i „EKO-TEH“ d.o.o. Sarajevo broj: 7/19 od 22.03.2019. godine. Obrazac za cijenu ponude sa jediničnim cijenama odabranog ponuđača (ponuda ponuđača broj: 7/19 od 22.03.2019. godine) je prilog ovog Okvirnog sporazuma i čini njegov sastavni dio.

PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je utvrđivanje uslova za nabavku radova: Nabavka i ugradnja prozora i portala u objektima između **Naručioca** i **Izvođača**.

Količine navedene u Obrascu za cijenu ponude iz člana 1. stav 2. ovog Okvirnog sporazuma su stvarne količine, a plaćanje izvedenih radova vršit će se po ispostavljenim fakturama i zavisit će o raspoloživim finansijskim sredstvima **Naručioca**.

Izvođač se obavezuje da će izvršiti predmetne radove u skladu sa tenderskom dokumentacijom i svojom ponudom.

CIJENA

Član 3.

Naručilac će na ime izvršenih ugovorenih radova iz člana 1. ovog Okvirnog sporazuma Izvođaču isplatiti

- Cijena bez PDV-a: 779.720,00 KM;
- Porez na dodanu vrijednost (PDV 17%) = 132.552,40 KM;
- UKUPNA VRIJEDNOST / CIJENA sa PDV-om = 912.272,40 KM
(slovima: devetstodvanaesthiljadadvijestotinesedamdesetdva i 40/100 KM).

Izvođaču radova je odobren avans u iznosu od 20% ukupne vrijednosti ponude.

Odobreni avans Izvođač radova će obračunati u Prvoj privremenoj situaciji.

Financijska sredstva za nabavku su obezbjeđena na osnovu Plana nabavki za 2019. godinu broj 297-15/19 od 09.01.2019. godine (stavka 303.).

Član 4.

Cijena iz prethodnog člana utvrđena je na osnovu vrsta, količina i jediničnih cijena iz ponude Izvođača / specifikacija radova.

Konačna cijena utvrdit će se na osnovu stvarnih izvedenih količina uz primjenu ugovorenih jediničnih cijena za pojedine vrste radova.

Ugovorene jedinične cijene su fiksne i ne mogu se mijenjati ni pod kojim uslovima.

NAČIN PLAĆANJA

Član 5.

Izvođač će izvršene radove iz ovog okvirnog sporazuma ispostavljati na naplatu na sljedeći način:

1. u roku 10 (deset) dana po ispostavljenim i potpisanim privremenim situacijama,
2. u roku 20 (dvadeset) dana po ispostavljenoj i potpisanoj okončanoj situaciji.

Obračun izvedenih radova iz ovog okvirnog sporazuma izvršit će se na osnovu ovjerenih količina izvedenih radova u građevinskoj knjizi i jediničnih cijena iz ovog okvirnog sporazuma.

Nadzorni organ, u ime Naručilaca, ovjerava ispostavljene situacije, odnosno potvrđuje izvršenje radova u skladu s ovim Okvirnim sporazumom najkasnije u roku od pet dana od dana prijema iste od strane Izvođača i predaje Izvođaču na dalji postupak.

Izvođač je dužan ovjerenu situaciju od strane Nadzornog organa predati na protokol Naručilaca.

Naručilac će izvršiti plaćanje samo nespornih radova izvršenih / urađenih po ovom Okvirnom sporazumu i ovjerenih od strane nadzornih organa.

Privremene situacije i okončana situacija ispostavljaju se na osnovu izvedenih količina ugovorenih radova i ugovorenih cijena. Situacijama se prikazuju radovi na način i po specifikaciji koja je data u tehničkoj dokumentaciji. Privremenim situacijama obračunava se vrijednost radova izvedenih u toku građenja. Privremene situacije i okončana situacija sadrže podatke o količinama i cijenama izvedenih radova, ukupnoj vrijednosti izvedenih radova, ranije isplaćenim iznosima i iznosu koji treba platiti na osnovu ispostavljene situacije.

Ako Naručilac ospori dio primljene situacije, nesporni iznos plaća u roku iz stava 6. ovog člana okvirnog sporazuma. Naručilac može privremene situacije osporavati u pogledu cijene, količine i vrste izvedenih radova.

O spornom iznosu i razlozima osporavanja Naručilac je dužan da obavijesti Izvođača u roku određenom za plaćanje na osnovu situacije.

Izvođač je dužan izdati / sačiniti fakturu / situaciju u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena na usklađivanje.

Uslovi plaćanja i drugi uslovi koje Izvođač jednostrano unese u fakturu / situaciju ne obavezuju Naručioca ni onda kada je fakturu primio, a nije joj prigovorio.

Plaćanje će se vršiti na transakcijski račun Izvođača radova.

OBAVEZE NARUČIOCA

Član 6.

Naručilac se obavezuje, naročito:

1. predati Izvođaču radova revidovan projekt po kojem se izvode radovi, odobrenje za građenje / građevinsku dozvolu dobijenu na osnovu revidovane projektne dokumentacije, usvojen dinamički plan, rješenje o imenovanju ovlaštenog inženjera i nadzornog organa, Uputstvo o geodetskom snimanju telekomunikacione mreže i Uputstvo za izradu izvedbeno-tehničke dokumentacije u digitalnom obliku i drugu dokumentaciju neophodnu za izvođenje;
2. uvesti Izvođača u posao u skladu s usvojenim dinamičkim planom, po pismenoj obavijesti Naručioca, a sve nakon obostranog potpisa Okvirnog sporazuma. Pod uvođenjem Izvođača u posao podrazumijeva se ispunjenje onih obaveza Naručioca bez čijeg prethodnog ispunjenja započinjanje radova faktički nije moguće ili pravno nije dozvoljeno.
3. na zahtjev Izvođača, u toku izvođenja radova, pružiti stručna objašnjenja o svim detaljima iz projekta / tehničke dokumentacije u roku od najviše 3 (tri) dana;
4. redovno vršiti plaćanje izvršenih radova na način i u rokovima koji su utvrđeni ovim okvirnim sporazumom;
5. osigurati nadzor nad izvođenjem radova / građenjem uz pravovremenu ovjeru / potpisivanje građevinskog dnevnika i građevinske knjige;
6. organizovati primopredaju izvedenih radova u roku od 15 (petnaest) dana od dana prijema obavijesti od Izvođača radova.

O uvođenju Izvođača u posao sastavlja se poseban zapisnik, i to se konstatuje u građevinskom dnevniku.

Rok za uvođenje Izvođača u posao se produžava ako je uredno ispunjenje obaveze Naručioca onemogućeno višom silom. Produženje roka iznosi onoliko vremena koliko je trajalo dještvo više sile i koliko je bilo potrebno za otklanjanje njenih posljedica.

OBAVEZE IZVOĐAČA

Član 7.

Izvođač se obavezuje, naročito:

1. prije početka izvođenja ugovorenih radova iz člana 2. Okvirnog sporazuma, blagovremeno i detaljno proučiti tehničku dokumentaciju na osnovu koje se izvode radovi i blagovremeno upozoriti Naručioca na nedostatke u dokumentaciji ukoliko postoje i/ili blagovremeno zatražiti objašnjenja o svim nejasnim ili nedovoljno jasnim detaljima u tehničkoj dokumentaciji;
2. u pisanom obliku upozoriti Naručioca na eventualne nedostatke i greške u projektu, a ako ih utvrdi (koje je ustanovio prilikom obilaska objekta), pravovremeno u pisanom obliku zahtijevati da se otklone;
3. izvesti radove na način, u rokovima i po cijeni određenim Okvirnim sporazumom;
4. voditi obaveznu dokumentaciju u vezi s izvođenjem radova / na gradilištu u skladu pozitivnim propisima iz oblasti građenja građevina i izvođenja drugih zahvata / radova u prostoru: građevinski dnevnik i građevinsku knjigu i dr.;
5. Naručioca u pisanom obliku obavijestiti ko je ovlašten rukovoditelj radova prema ovom okvirnom sporazumu;
6. izvoditi radove u skladu s odobrenjem za građenje, tehničkim mjerama, propisima, normativima i standardima koji važe za građenje predmetne vrste građevine / izvođenje predmetnih radova;
7. pravovremeno preduzimati mjere za sigurnost objekta i radova, opreme i materijala, zaposlenika, prolaznika, saobraćaja, susjednih objekata i okoline;
8. dokumentovati kvalitet radova i pojedinih faza građenja / izvođenja radova atestima izdanim prema tehničkim propisima i posebnim uslovima projekta;
9. pridržavati se u potpunosti ovog okvirnog sporazuma, tehničke dokumentacije i Odobrenja za građenje na osnovu kojih se izvode radovi;
10. Izvođač je dužan izvesti i naknadne radove koji su u vezi sa radovima iz okvirnog sporazuma. Naknadne radove Naručilac naručuje putem upisa u građevinski dnevnik Izvođača, na osnovu kojeg Izvođač sastavlja ponudu i traži saglasnost Naručioca na istu. U skladu sa Posebnim uzansama o građenju u ugovorenu cijenu ne spada vrijednost ovih radova. Cijena naknadnih radova određuje se ugovorom o izvođenju naknadnih radova.

ROKOVI ZA IZVOĐENJE RADOVA

Član 8.

Izvođač se obavezuje da sve radove iz člana 1. ovog okvirnog sporazuma izvede u roku 90 (devedeset) kalendarskih dana, računajući od dana uvođenja izvođača u posao.

Rok za ispunjenje obaveza / izvršenje radova određen u danima, računa se u kalendarskim danima.

FF

GARANCIJA ZA KVALITET IZVEDENIH RADOVA

Član 9.

Izvođač garantuje da su izvedeni radovi u vrijeme primopredaje u skladu sa Okvirnim sporazumom, propisima i pravilima struke i da nemaju nedostataka koje onemogućavaju ili umanjuju njihovu vrijednost ili njihovu podobnost za redovnu upotrebu, odnosno upotrebu određenu Okvirnim sporazumom. Obavještenje o nedostacima: Naručilac je dužan da o primijećenim nedostacima obavijesti Izvođača bez odlaganja.

Član 10.

Garantni rok za kvalitet izvedenih radova iznosi 24 (dvadesetčetiri) mjeseca. Garantni rok počinje da teče od primopredaje objekta / izvedenih radova ili dijela objekta / izvedenih radova, a ako je korištenje objekta / dijela objekta / izvedenih radova počelo prije primopredaje – od početka korištenja.

Za opremu / materijal koju ugrađuje Izvođač važi, u pogledu sadržine i roka, garancija proizvođača opreme, sa tim što je Izvođač dužan da svu dokumentaciju o garancijama proizvođača opreme, zajedno sa uputstvima za upotrebu pribavi i preda Naručiocu prilikom primopredaje izvršenih radova.

Član 11.

Izvođač je dužan da o svom trošku otkloni sve nedostatke koji se pokažu u toku garantnog roka, a koji su nastupili usljed toga što se Izvođač nije držao svojih obaveza u pogledu kvaliteta radova i materijala.

Izvođač se obavezuje da će u garantnom roku, a na prvi poziv investitora o svom trošku otkloniti sve nedostatke koji se odnose na način izvođenja i kvalitet ugovorenih radova, odnosno koji su nastali zbog upotrebe materijala koji ne odgovara ugovorenoj kvaliteti. Naručilac ima pravo i na naknadu štete po ovom osnovu.

Član 12.

Ako Izvođač ne pristupi izvršenju svoje obaveze iz člana 11. ovog Okvirnog sporazuma, u roku od 7 (sedam) dana od dana prijema poziva Naručioca i ne izvrši obavezu u primjerenom roku, Naručilac će protestovati bankarsku garanciju za garantni period bez daljnjih upozorenja.

Naručilac je ovlašten da za otklanjanje nedostataka angažira drugu pravnu ili fizičku osobu i da nastalim troškovima tereti Izvođača. Naručilac je pri tome dužan da postupa u skladu sa dobrim poslovnim običajem, odnosno da za otklanjanje nedostataka ne utroši više sredstava nego što je objektivno potrebno.

Izvođač nije dužan da otkloni one nedostatke koji su nastali kao posljedica nestručnog rukovanja i upotrebe, odnosno nenamjenskog korištenja objekta / radova.

BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 13.

Izvođač je, u smislu osiguranja izvršenja obaveza po ovom ugovoru, obavezan Naručiocu dostaviti sljedeće безусловne originalne bankarske garancije (prema formi / obrascu utvrđenom od strane Naručioca):

- garanciju za uredno izvršenje okvirnog sporazuma / dobro izvršenje posla u iznosu 10% ukupne vrijednosti Okvirnog sporazuma sa uračunatim PDV-om, sa rokom važnosti garancije: rok izvođenja radova + 30 dana;

Izvođač će garanciju iz prethodnog stava dostaviti u roku od 10 (deset) dana od dana zaključivanja ovog okvirnog sporazuma / obostranog potpisivanja ovog okvirnog sporazuma.

Garancija za uredno izvršenje okvirnog sporazuma dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje Okvirnog sporazuma nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni Okvirni sporazum će se smatrati apsolutno ništavim.

UGOVORNA KAZNA

Član 14.

Ako Izvođač zakasni s izvođenjem radova, odnosno sa predajom ugovorenih radova, obavezan je za svaku započetu sedmicu zakašnjenja platiti Naručiocu ugovorenu kaznu u iznosu od 1% od ukupne vrijednosti ugovorenih radova iz ponude Izvođača / specifikacije člana 1. ovog okvirnog sporazuma.

Ako Naručilac zakasni s ispunjenjem svoje obaveze u plaćanju dužan je Izvođaču platiti zateznu kamatu po stopi koja je utvrđena pozitivnim zakonskim propisima iz oblasti obračuna zatezne kamate.

Ukupna vrijednost ugovorne kazne ne može iznositi više od 5% od ukupne vrijednosti ugovorenih radova.

STRUČNI NADZOR NARUČIOCA

Član 15.

AP

Naručilac ima pravo da vrši stručni nadzor nad radovima Izvođača radi provjeravanja i obezbjeđenja njihovog urednog izvođenja, naročito u pogledu vrsta, količina i kvaliteta radova, materijala i opreme i predviđenih rokova.

Radi vršenja stručnog nadzora Naručilac ima pravo pristupa na gradilište, u radionice, pogone i mjesta za uskladištenje materijala.

Stručni nadzor vrši lice koje Naručilac odredi. O licu određenom da vrši nadzor i njegovim ovlaštenjima Naručilac obavještava Izvođača.

Izvođač je dužan da Naručiocu omogući vršenje stručnog nadzora.

OBEZBJEĐENJE I ČUVANJE GRADILIŠTA

Član 16.

Od početka izvođenja do predaje radova naručiocu, Izvođač je dužan da obezbijedi i čuva izvedene radove, opremu i materijal od oštećenja, propadanja, odnošenja, krađe, uništenja.

Izvođač snosi troškove obezbjeđenja i čuvanja izvedenih radova, opreme i materijala i rizik njihovog oštećenja, uništenja, krađe, odnošenja, propadanja.

PRIMOPREDAJA IZVEDENIH RADOVA, KONAČAN OBRAČUN

Član 17.

Izvođač će odmah, a najkasnije u roku od 3 (tri) kalendarska dana, nakon završetka radova, u pisanom obliku, obavijestiti Naručioca da su ugovoreni radovi izvedeni.

Naručilac i Izvođač su dužni da pristupe primopredaji izvedenih radova u roku ne dužem od 15 (petnaest) kalendarskih dana računajući od obavijesti iz stava 1. ovog člana.

Naručilac i Izvođač su dužni da pristupe konačnom obračunu u roku ne dužem od 7 (sedam) kalendarskih dana nakon potpisivanja zapisnika o primopredaji izvedenih radova bez primjedbi.

O primopredaji izvedenih radova sastavlja se zapisnik u roku ne dužem od 2 (dva) kalendarska dana od pristupanja primopredaji izvedenih radova u skladu sa stavom 2. ovog člana.

Svaka ugovorna strana pismenim rješenjem određuje svoje ovlaštene predstavnike za obavljanje primopredaje i izradu konačnog obračuna.

Član 18.

Ovlašteni predstavnici ugovornih strana sastavljaju zapisnik o primopredaji izvedenih radova koji sadrži, naročito, sljedeće odredbe / podatke:

1. da li su radovi izvedeni prema ugovoru, tehničkoj dokumentaciji, odobrenju o građenju / građevinskoj dozvoli, montažnoj dokumentaciji isporučioa opreme i propisima i pravilima struke;
2. odgovara li način izvođenja radova i kvaliteta izvedenih radova ugovorenim, odnosno koje radove izvođač o svom trošku mora doraditi, popraviti ili ponovo izvesti, u kojem roku to treba učiniti; i vrijednost osporenih radova;
3. rok za otklanjanje konstatovanih nedostataka;
4. konstatacija o primopredaji katastarskog snimka podzemnih instalacija i projekta izvedenog stanja, građevinske dokumentacije, garantnih listova, atesta, sertifikata i dr.;
5. datum završetka radova i datum izvršene primopredaje kao i početak garantnog perioda;
6. o kojim pitanjima tehničke prirode nije postignuta saglasnost između ovlaštenih predstavnika ugovorača.

Zapisnik o primopredaji može sačiniti samo jedan ugovarač bez učešća drugog ako drugi ugovarač neopravdano odbije učešće u primopredaji ili se neopravdano ne odazove na poziv da učestvuje u primopredaji. Takav zapisnik se dostavlja drugom ugovaraču. Danom dostavljanja zapisnika nastaju posljedice u vezi sa primopredajom.

Ukoliko se u zapisniku o primopredaji obostrano konstatuje da Izvođač treba o svom trošku da doradi, popravi ili ponovo izvede pojedine radove, Izvođač je dužan da odmah, a najkasnije u roku od 7 (sedam) kalendarskih dana pristupi izvođenju tih radova.

Ako Izvođač ne izvede radove iz prethodnog stava ovog člana u primjerenom roku koji mu ostavi Naručilac, Naručilac može da angažuje drugo lice da ih izvede na trošak Izvođača.

Član 19.

Konačnim obračunom se raspravljaju odnosi između ugovorača i utvrđuje izvršenje njihovih međusobnih prava i obaveza iz Okvirnog sporazuma.

Konačnim obračunom obuhvataju se svi radovi izvedeni na osnovu Okvirnog sporazuma, uključujući i nepredviđene i naknadne radove koje je izvođač bio dužan ili ovlašten da izvede.

Ovlašteni predstavnici ugovornih strana sastavljaju zapisnik o konačnom obračunu koji sadrži, naročito, slijedeće odredbe / podatke:

1. vrijednost izvedenih radova prema ovom okvirnom sporazumu;
2. vrijednost razlike između izvedenih i ugovorenih radova, ako je ima;
3. iznos plaćen po osnovu situacija;
4. konačan iznos koji izvođač treba da primi ili vrati po nespornom dijelu obračuna;
5. iznos cijene koji Naručilac zadržava za otklanjanje nedostataka;
6. podatak da li su radovi završeni u ugovorenom roku, a ako nisu, koliko iznosi prekoračenje roka;
7. podatak o tome koji ugovarač, po kom osnovu i u kom iznosu zahtijeva naplatu ugovorne kazne i naknade štete, kao i njihove osporene i neosporene iznose;
8. ukupni iznos cijene izvedenih radova
9. podatke o drugim činjenicama o kojima nije postignuta saglasnost ovlaštenih predstavnika ugovorača.

Konačan obračun izvršenih radova mora se izvršiti najkasnije u roku od 7 (sedam) kalendarskih dana od dana potpisivanja zapisnika o primopredaji izvedenih radova bez primjedbi.

RASKID OKVIRNOG SPORAZUMA

Član 20.

Naručilac može raskinuti Okvirni sporazuma jednostrano u sljedećim slučajevima:

- 1) ako nadležni organi zabrane dalje izvođenje radova / građenje objekta;
- 2) ako Izvođač bez pismene saglasnosti Naručioca ustupi trećim osobama izvođenje pojedinih radova koji su predmet ovog okvirnog sporazuma;
- 3) ako Izvođač dođe u situaciju da ne može izvršiti svoje obaveze iz Okvirnog sporazuma;
- 4) ako je neopravdano zaostajanje u izvođenju radova koje je veće od 10% ugovorenog roka.

Član 21.

Zbog neizvršenja ugovorenih obaveza Naručioca Izvođač može raskinuti ugovor samo ako prethodno Naručiocu da primjereni naknadni rok za izvršenje obaveze, a Naručilac ni u naknadnom roku ne izvrši svoje obaveze.

Član 22.

Okvirni sporazum se raskida izjavom u pisanom obliku koja se dostavlja drugoj ugovornoj strani. U izjavi mora biti naveden razlog zbog kojeg se Okvirni sporazum raskida.

Član 23.

Ako se Okvirni sporazum raskine krivnjom Izvođača Naručilac mu je dužan platiti nesporne izvedene radove, dok je Izvođač dužan Naručiocu naknaditi štetu koja mu je nastala raskidom Okvirnog sporazuma i vratiti preuzeti, a neugrađeni materijal. Ukoliko nisu dovoljna finansijska sredstva po okončanoj situaciji, Izvođač radova će izvršiti uplatu finansijskih sredstava na račun Naručioca, u suprotnom Naručilac ima pravo protestirati garanciju za dobro izvršenje posla.

Materijal koji se ne vrati u smislu prethodnog stava bit će fakturisan s uračunatim porezom i Naručilac će bilo koja plaćanja umanjiti za iznos ispostavljene fakture, a ukoliko nisu dovoljna finansijska sredstva po okončanoj situaciji, Izvođač radova će izvršiti uplatu finansijskih sredstava na račun Naručioca, u suprotnom Naručilac ima pravo protestirati garanciju za dobro izvršenje posla.

Član 24.

Ako ugovorne strane sporazumno raskinu okvirni sporazum tim sporazumom regulirat će sva pitanja nastala povodom raskida okvirnog sporazuma.

Član 25.

Ako dođe do raskida okvirnog sporazuma, Izvođač je dužan izvedene radove osigurati od propadanja. Troškove osiguranja snosi ona strana koja je odgovorna za raskid okvirnog sporazuma.

OSTALE ODREDBE

Član 26.

Izvođač radova nema pravo zapošljavati, u svrhu izvršenja ovog okvirnog sporazuma, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju okvirnog sporazuma, odnosno od početka realizacije okvirnog sporazuma.

Član 27.

Ovaj Okvirni sporazum stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim Okvirnim sporazumom računaju se od dana stupanja Okvirnog sporazuma na snagu.

Član 28.

Ugovorne strane su saglasne sa primjenom odredbi Zakona o obligacionim odnosima, odnosno odredbi Posebnih uzansi o građenju, u granicama i okvirima koje za uzanse propisuje i dozvoljava citirani zakon, i to u pogledu prava, obaveza i odnosa koji nisu regulisani odredbama ovog okvirnog sporazuma, a koji nastanu u vezi i povodom izvršenja ovog okvirnog sporazuma.

Član 29.

Sve eventualne sporove i nesporazume koji bi mogli nastati iz ovog Okvirnog sporazuma ili povodom ovog Okvirnog sporazuma, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

AT

Član 30.

Izmjene i dopune ovog Okvirnog sporazuma mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

Član 31.

Ovaj Okvirni sporazum je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Izvođač:
**KONZORCIJ:
TADIĆ STOLARIJA d.o.o.**

DIREKTOR


Dragan Tadić

EKO TEH d.o.o.

DIREKTOR


Jasminka Pindžo

Broj: 13-186/19


Mjesto i datum: SARAJEVO, 05.04.2019.

Naručilac:

Javna ustanova Opća bolnica

„Prim. dr. Abdulah Nakaš“

DIREKTOR


Prim. dr. Zlatko Kravić

